

Na osnovu člana IV. 4. e) Ustava Bosne i Hercegovine, Parlamentarna skupština Bosne i Hercegovine, na 15. sjednici Predstavničkog doma, održanoj 22. jula 2015. godine, i na 8. sjednici Doma naroda, održanoj 30. jula 2015. godine, donijela je

ODLUKU
o usvajanju Okvirne saobraćajne politike Bosne i Hercegovine
za period od 2015. do 2030. godine

Član 1.
(Predmet Odluke)

Ovom odlukom Parlamentarna skupština Bosne i Hercegovine usvaja Okvirnu saobraćajnu politiku Bosne i Hercegovine za period od 2015. do 2030. godine (u daljnjem tekstu: Okvirna saobraćajna politika).

Član 2.
(Okvirna saobraćajna politika)

Okvirna saobraćajna politika je planski i operativni dokument koji predstavlja okvir djelovanja za institucije i pojedince koji su, u skladu sa svojom nadležnošću, neposredno uključeni u njenu primjenu i čini sastavni dio ove odluke.

Član 3.
(Praćenje realizacije)

(1) Za praćenje realizacije Okvirne saobraćajne politike zadužuje se Ministarstvo komunikacija i prometa Bosne i Hercegovine, koje Vijeću ministara Bosne i Hercegovine podnosi Prijedlog godišnjeg izvještaja o realizaciji Okvirne saobraćajne politike na usvajanje.

(2) Izvještaj iz stava (1) ovog člana potvrđuje Parlamentarna skupština Bosne i Hercegovine.

Član 4.
(Stupanje na snagu)

Ova odluka stupa na snagu osmog dana od dana objavljivanja u „Službenom glasniku BiH“.

Broj: 01,02-29-1010/15
30. jula 2015. godine
Sarajevo

Predsjedavajući
Predstavničkog doma
Parlamentarne skupštine BiH

Šefik Džaferović

Predsjedavajući
Doma naroda
Parlamentarne skupštine BiH

Bariša Čolak

